

里堂學算記五種

加減乘除釋卷三

江都焦循

以甲乘乙或以乙乘甲爲相乘以乙除之得甲以甲除之得乙。

相乘兩數不同之乘也所得卽從方形方田術云廣十五步從十六步廣從步數相乘得積步里田術云廣二里從三里廣從里數相乘得積里是也合分術云母互乘子并以爲實母相乘爲法乘分術云母相乘爲法子相乘爲實蓋數不同而等級同也帶從開方之法徒示以從故必先得廣數自乘然後與從乘

得如積也。從方所示之從從之差，非從之全，於從之全減去廣數，卽餘從之差。所示惟差，斯多一乘也。劉氏注方田術相乘得積步云，此積謂田畧，凡廣從相乘謂之畧。李淳風以畧是方畝單布之名，積乃衆數聚居之稱。斥注爲乖，循謂廣從相乘爲畧，而經不言畧言積，故注云，此積謂田畧，謂之云者，不專於是之稱也。劉氏未嘗以積訓畧，李斥之，非矣。

三數相乘爲連乘，或先以乙乘甲，連以丙乘之，或先以丙乘乙，連以甲乘之，或先以甲乘丙，連以乙乘之，其得數皆等，以甲除之，得乙丙相乘之數，以乙除之，得甲丙

相乘之數以丙除之得甲乙相乘之數任以一數除之皆盡若以甲乘乙以乙乘丙以丙乘甲并之任以三數除之皆不盡


算經統謂之相乘方田平分術云母相乘爲法均輸假田術云畝法相乘五渠注池術云日數相乘張邱建獵鹿術云以右三位相乘蕩盃術云令人數相乘細草云以二三四相乘得二十四是也乘同於加以甲加乙以乙加甲其數旣等則以甲乘乙猶之以乙乘甲也或先以甲乙相加後加以丙或先以乙丙相加後加以甲或先以甲丙相加後加以乙其得數皆

同則以甲乙丙相乘而先甲乙者猶之先丙乙也且猶之先丙甲也諸乘方廉隅相配之法全以此義三數以上至五數六數亦然梅勿菴云凡數三宗以上用各母連乘爲其母是也除者乘之反三者皆以乘得數故皆可以除盡之如甲三乙五丙七連乘爲一百零五以三除之得三十五而盡以五除之得二十一而盡以七除之得十五而盡不必再商之而後盡也若三五相乘爲十五五七相乘爲三十五三七相乘爲二十一并之爲七十一以三除之則不盡二以五除之則不盡一以七除之則不盡一蓋本各少一

乘少一乘而多一除自不足以相消矣。三乘五爲十五以七除之去十四不盡一。五乘七爲三十五以三除之去三十三不盡二。三乘七爲二十一以五除之去二十不盡一。不盡一者合之仍不盡一。不盡二者合之仍不盡二。何也不盡之數化於所入不能化於所出也。分而除之不盡者一。合而除之不盡者三。何也不盡之數各居其一。合聚爲三也。蓋在此爲盡在彼爲不盡。分之爲兩數之盡一數之不盡。合之則盡者從乎不盡。不盡者從乎盡。不盡者從乎盡則不盡者無所移。盡者從乎不盡則盡者化爲不盡。於是各

有所盡已各有所不盡所不盡各合於所盡故不相
碍而恰相齊也孫子算經云有物不知其數三三數
之賸二五五數之賸三七七數之賸二問物幾何術
云凡三三數之賸一則置七十五五數之賸一則置
二十一七七數之賸一則置十五一百六以上以一
百五減之卽得一百五者卽連乘之數也七十二十
一十五者遞乘相并之數也賸一者三數遞除之差
也明乎二乘一除之理可悟孫子比例之意也乃二
乘一除亦有盡者如三七九以七乘九爲六十三以
三除之亦盡然三乘九而七除則不盡七乘三而九

除則不盡。知三除之而盡者爲偶然。非定理。設三五
九爲率。五九除亦不能盡矣。此奇數也。以偶數言之。
二四六。遞乘并之。四與二除之則盡。六除之則不盡。
四六八。遞乘并之。六與八除之則盡。四除之則不盡。
二四八。遞乘并之。三率除之皆盡。二六八。遞乘并之。
六與八除之不盡。二除之則盡。又以奇偶相閒言之。
三六九。遞乘并之。三與九除之皆盡。六除之不盡。二
五八。遞乘并之。五與八除之不盡。二除之則盡。其盡
亦皆偶然也。



以甲乙與乙甲相乘爲從方廉隅積

如甲乙爲一十九乙甲爲九十一相

乘得一千七百二十九

以甲乙減乙甲以甲乙乘之又以甲乙自

乘其數等

一九與九一相減餘七十二以一九乘七十二得一千三百六十八又以一九自乘

得三百六十一合之

以乙甲任分之以甲乙徧乘之其

數等

或分九十一爲七十二與一十九而以一十九徧乘之或分九十一爲四十五與四十六以一九徧乘

之或三分之或四分之其偏乘得數皆同

帶從開方之法初商有方有從

即從差

次商有廉有隅

有從隅其原出於兩異數之相乘如甲乙之乘乙甲

是也

甲乙乘甲乙如一九乘一九為自乘甲乙乘乙甲如一九乘九一為相乘

推之以甲

乙乘乙乙以乙甲乘甲甲以乙甲乘乙乙以甲乙乘

甲甲及以甲乙乘丙丁以甲乙乘戊己皆然獨舉甲

乙乙甲言之見同是兩甲兩乙一經顛倒則變自乘

為相乘變平方為從方也蓋從即兩數之較數亦即

本數之分數先自乘而又與從相乘者即以一數偏

乘諸數之理也

一九與九一兩數相乘

一乘九 ○九

一乘一 ○一

九乘九 八一

九乘一 ○九

兩數相減先以一九自乘次以一九乘七二

○一 ○七

○九 ○二

○九 六三

八一 一八

廣一九 仍原數 一九 一九

從九一 分爲兩 七二 四四
一九 四六

徧乘

一乘七 〇七 一乘四 〇四

一乘一 〇一 一乘四 〇四

一乘二 〇二 一乘五 〇五

一乘九 〇九 一乘六 〇六

九乘七 六三 九乘四 三六

九乘一 〇九 九乘四 三六

九乘二 一八 九乘五 四五



九乘九

八

九乘六

五四

從方之定位最易混淆蓋方廉隅以次相列從法不與廉隅相次必審酌而後得之若明徧乘之理如一七一同列上層則一乘七一得數亦並列上層一列上層二九列下層則相乘必並低一格九列下層與上層七一相乘以下乘上猶以上乘下故亦並列九二九皆列下層其乘得之數自又低一格矣



從方之例有二。曰大從。以甲乙乘乙甲。或以甲乙乘丙丁。是也。曰小從。以甲乙乘甲甲。或以甲乙乘甲丁。是也。上數同。下數異。則從必小於上數也。上數亦異。則從必數倍於上數也。以從與積推之。可見。譬以一九爲修。一二爲廣。則從零七而已。若以一九爲廣。三九爲修。則從二零。視廣爲倍矣。至於廣一九。修九一。則兩數皆有從。而從益大矣。

小從 相減

大從 相減

一二 一二

一九 一九

一九 一二

三九 一九

徧乘

徧乘

一乘一。一

一乘一。一

一乘。。

一乘二。二

一乘二。二

一乘九。九

一乘七。七

一乘。。

二乘一。一

九乘一。九

二乘。。

九乘二。一八

二乘二。四

九乘九。八一

二乘七。一四

九乘。。

從爲數之所分於所分存其空位於徧乘依次乘之

自明定位之理

兩乙一甲連乘之爲帶一從立方形甲與乙相減以乙再乘之又以乙自乘再乘相加其數等兩甲一乙連乘之爲帶兩從相等立方形甲與乙相減以甲再乘之又以甲自乘再乘相加其數等甲乙丙連乘之爲帶兩從不等立方形以甲乙與丙相減以丙各再乘之又以丙自乘再乘相加其數等

凡此數盈於彼數者爲從兩胸一盈則一從

此立
長廉


兩盈一胸則兩從

此立
平廉


兩盈之數同故其從相等

兩盈之數不同故其從不相等一從者置一從乘之


兩從者置兩從乘之固也然以胸自乘而加從可也
以盈自乘而減從亦可也



兩胸一盈



兩盈一胸



兩盈不等一胸

兩甲兩乙連乘之。或閒乘之。並得帶從三乘方形。甲乙相乘。又以冪自乘。其數等。甲乙各自乘。又以兩冪相乘。其數等。甲如句。乙如股。以句自乘。以弦自乘乘之。減句自乘之冪。其數等。以股自乘。以弦自乘乘之。減股自乘之冪。其數等。以句自乘。以句弦較乘之。又以句弦和乘

之其數等。句自乘以方積乘之。又以句自乘之數乘股以句股較乘之。相加其數等。股自乘以方積乘之。又以股自乘之數乘股以句股較乘之。相減其數等。

算書有倍積自乘之術。用爲減從開三乘方。義殊奧秘。細爲繹之。其原發於兩甲兩乙之累乘而通其變於句股。蓋乘法先後相通。列甲乙甲乙而累乘之。可也。列甲甲乙乙而累乘之。亦可也。列甲乙乙甲而累乘之。可也。列乙甲甲乙而累乘之。亦無不可也。由是旣以甲乘乙。又以乙乘甲。而後乘之。可也。旣以甲自乘。又以乙自乘而乘之。可也。在乘法無不可通。故所

得皆同其數。句股卽方之分形。故倍其積而自乘之。亦如以方積乘方積之數。倍句股積自乘。卽以甲乘乙。又以乙乘甲而後乘之也。句自乘以股自乘之數乘之。卽以甲自乘。又以乙自乘而後乘之也。弦之自乘。卽句股各自乘之合數。今旣句自乘。又以股自乘乘之。若以弦自乘之數乘之。則多一句自乘乘之之數矣。於股亦然。而理甚明。句弦較乘句弦和。得股自乘之數。股弦較乘股弦和。得句自乘之數。則以較乘和。而用乘句股之自乘。卽不啻股自乘句自乘之相乘也。方積者。句乘股之數。今句自乘。不以股自乘乘

之而以句乘股乘之。句乘股比之股乘股則少一句。股較乘股之數。故必以句股較乘股又用之。乘句自乘之數。加之。而後合於股自乘以乘句自乘之數也。股自乘不以句自乘乘之。而以股乘句之數乘之。股乘句比之句自乘則多一句。股較乘句之數。故必以句股較乘句以乘句自乘之數減之。而後合於句自乘以乘股自乘之數也。或直而得之。或變化展轉而得之。其數均合。故不能直而得。可以變化展轉之者。舍其所隱。用其所彰。卽其所彰探其所隱。不啻絕陰平而反出劍閣之外也。先輩用此法。於上廉下廉益

隅負隅翻積等術。曲折甚多。梅總憲赤水遺珍列諸
條解之。然主於明借根之理。而未晰諸法之原。因爲
詳之。有弦有句股相乘之積求句股。已爲句股相乘則不必倍以
積自乘爲從立方積。以弦自乘爲從商得數爲句。自
乘又以從乘之。減句冪自乘之數。與從立方積減盡
則得句。如四元玉鑑所舉方積二百四十步。弦二十
六步。求句。以二百四十自乘得五萬七千六百爲實。
以二十六自乘得六百七十六爲從。商得一十。自乘
得一百。以六百七十六乘之得六萬七千六百。存之。
又以句冪一百自乘爲一萬。用減六萬七千六百餘。

五萬七千六百與實合則得句一十若求股商得二

千三百七十六存之又以股自乘之五百七十六自

乘得三十三萬一千七百七十六與所存相減餘五

萬七千六百與實合則得股二十四按用纂自乘相

減卽負隅也此卽以句股馭句股以廉隅名之者以

從之增數名之也有股弦和有句股積求句股倍積

自乘爲實句股積倍之乃成從方商得數爲股自乘以股弦和

爲從除實得數爲股弦較之總數以此總數除股自

乘之數爲股弦較以較減股弦和半之得股試以句

三股四弦五明之。句股積六。股弦和九。求句股。倍六爲一十二。自乘爲一百四十四。以從九除之。得一十六。存之。商得四爲股。自乘得一十六。除所存。得一爲股。弦較於股。弦和之九。減較一得八。半之得四。所商同。卽得股四。若句弦和八。則以八除一百四十四。得一十八。存之。商得三爲句。自乘得九。以九除所存。得二。爲句。弦較於句。弦和之八。減較二得六。半之得三。所商同。卽得句三。又試以梅總憲所舉法推之。句股積五百四十。股弦和九十六。求股。倍積自乘爲一百一十六萬六千四百。以九十六除之。得一十二萬一

千五百存之商得四十五自乘之得二千零零二十五除所存一十二萬一千五百得六以減股弦和之九十六餘九十折半得四十五與所商合卽得股四十五此比翻積開三乘方法似爲簡便而其理易明算法統宗設圓田徑十步截弧矢積十步問弦矢其法以倍積自乘得四百步爲實四乘積得四十爲上廉四乘徑得四十爲泛下廉五爲負隅用開三乘方法商二步乘上廉得八十爲上廉法乘負隅得十步以減泛下廉餘三十爲定下廉二自乘得四步以乘定下廉得一百二十步爲下廉法併上下廉法其二

百步爲下法。復以商數二步乘之。得四百步。除實。恰盡。循案古弧田法。以矢乘弦半之。又以矢自乘半之。合之爲弧矢形。此術較今法爲疎。故梅總憲以爲不合密術也。形雖弧矢。而以矢自乘。及矢乘弦言之。已是從方。弧矢積旣爲矢自乘與弦矢相乘之半。今倍之。則矢自乘及弦矢相乘之從方矣。倍之自乘。較不倍自乘之數爲四倍。故以四乘爲上下廉。然設負隅并下法。其理不易了。試以前法馭之。積十步。其爲從方也。非廣二修五。卽廣一修十。今以積自乘。從方已是兩句。股不得一百爲實。積一十爲從。商得二。其廣自乘爲必倍。卽矢

四以從乘之得四十減實餘六十以所商自乘之四
除之得一十五以二乘之得三十以積十除之得三
爲句股較加二爲五以二乘之得十減盡卽得矢二
再以矢折半得一與五相減得四倍之得八爲弦以
圓徑十步衡之合數

若廣一修十則不合數

若倍數自乘得四

百以四乘積得四十爲從商得二自乘得四與從乘
得一百六十減四百餘二百四十以四除之得六十
以十除之得六爲較以六除之得十

除六十非除六

以二乘

之得二十與倍積恰合卽得矢二弦八試以句三股
四明之積一十二自乘一百四十四爲實以積十二

爲從商得三自乘得九九乘從十二得一一百零八用減實實餘三十六以九除之得四以商得之三乘之得一十二以十二除之得一爲句股較加三爲四得股四或商得四自乘一十六乘從得一百九十二減去實餘四十八以一十六除之得三以商得之四乘之得一十二以積一十二除之得一爲較減四爲三得句三蓋積爲句乘股之數以句自乘比之則不足以股自乘比之則有餘不足則相加有餘則相減故以較加句爲股以較減股爲句也句股以盈朒分加減則積之所乘亦有加減故以積乘句冪爲朒於實

則於實中減所得數以積乘股冪爲盈於實則於所得數中減實於所得數中減實而用其餘所謂翻積法也明乎加減之理盈朒之原則翻積之指固淺近無艱奧也開平方立方之法所得數朒於原實則以減餘爲次商此積乘句冪而減實以用其餘者貌爲似之開方之法所商數盈於原實則爲不合所以有改商之法此以積乘股冪爲盈於實乃卽減實翻積以用其餘與改商之法大異初學或駭之以至於惑不知開方之從真從也以積爲從假從也真從而不合是真不合也假從而不合是不合於假而轉可合

於真也。真從藏於實中，與所商爲表裏，假從不離於句股中，與真從爲消息。故明於句股相乘，與股句各自乘之較，則用於實外，用於實內，其義本同也。吾友歙縣汪萊孝嬰，於算數精思入理，每發前人所未發。嘗推梅總憲以句股和求諸數立法爲誤，其說云：凡一句弦和，任設一句弦較，求得句股積，必有又一句弦較所求之句股積，與之相等。蓋兩句弦較兩數及兩句弦較相併，與句弦和相減之餘數，必爲連比例之三率。兩句弦較兩數，必爲首末二率。兩句弦較相并，與句弦和相減之餘數，必爲中率。句弦和必爲三

率併數。此等積等句弦和得有兩形之故也。於是立有兩積相等。兩句弦和相等。求兩句股形各數之法云。四倍句股積自乘。句弦和除之。得數爲帶縱長立方法開之。得本方根數。爲兩句股形中兩句弦較之中率。自乘得數。爲帶縱平方積。又以中率與句弦和相減。得數爲帶縱平方長濶和。用帶縱平方長濶和法開之。得長濶兩根。爲兩句股形中兩句弦較數。再用句弦較與句弦和求句股弦法。卽得兩句股形各數。循按止求一數。故倍而自乘。今求兩形。故四倍而自乘。倍而

自乘卽得一形之句。弦較四倍而自乘卽得兩形之中率。孝嬰獨得之解。真可補梅氏之所未及。詳見其所著衡齋算學中。又按梅氏赤水遺珍載丁維烈翻積之法而說之云。有句股積及股弦和較。或句弦和較求句股。向無其法。苦思力索。知其須用帶縱立方。因立法四條。嘗考王孝通緝古算經有題云。假令有句股相乘。冪七百六十六五十分之一。弦多於句三十六十分之九。問三事各多少。句股相乘冪卽積也。弦多於句卽句弦較也。其術云。冪自乘。倍多數而一爲實。半多數爲廉。法從開立方除之。卽句。以弦多數

加之卽弦以句除冪卽股倍多數而一爲實者倍句
弦較除句股積自乘之數也以較除股冪必得兩句
與一句弦較之數故倍較除股冪必得一句與半較
之數一句與半較之數卽句爲根半較爲從之立方
也

弦冪中去句冪所餘
廉隅形詳見下條

是爲句股積句弦較求句股

又繼一題云假令有句股相乘冪四千三十六五分
之一股少於弦六五分之一問弦多少是則句股積
股弦較求弦也然則是法唐初有之實爲倍積自乘
之術所始梅氏以爲向無其法其未見此書歟王氏
立句股積句弦較之題而不及句弦和者固以較數

有定和數無定故較有算法而和無算法孝嬰兩形之說王氏固已知之引而不發躍如也孝嬰立兩形之術不獨正梅氏之誤亦所以探王氏之隱而補其闕矣

自乘而倍之開方得弦相乘而倍之加其從數之自乘亦開方得弦


開平方出於自乘開從方出於相乘既有方卽有斜綫既有從卽有盈朒故句股之術由從方而生也其名見於周髀其術見於九章所謂句股各自乘并而開方之卽弦是也循謂立法之原皆由純以推至於

互由緜以省至於約自乘乘之純相乘乘之互以自乘之平方緣斜綫分割之使斜綫向外爲邊綫使邊綫向內相合已成一平方之半又加以半則弦變爲邊故欲得弦數倍而開方之也因推此意於相乘之從方亦以同數兩從方斜割使弦向外爲邊使邊向內相合而邊既有盈朒則短長相抵中必空有一小方卽從數自乘之方此句股之術所由立亦卽句股相求諸術所由生也因又推之平方用倍卽以兩邊各自乘也倍從方而缺一從自乘者以盈朒兩邊各自乘以盈補朒而從自乘之方自在也故用句股各

自乘并而開方之。以其簡於相乘而倍之。又加從自乘也。周髀云。數之法。出於圓方。圓出於方。方出於矩。矩出於九九八十一。故折矩以爲句廣三。股修四。徑隅五。既方其外。半之一。矩環而共盤。得成三。四。五。兩矩共長二十有五。是謂積矩。趙君卿注云。方。周币也。矩。廣長也。九九。乘除之原也。按矩卽綫。方卽纂。數不離於九九。以數爲綫。乘之爲方也。下乃言句股之數。而歸諸折矩。可知句股之原。亦出於九九矣。出於九九者。由自乘相乘而推致之也。折矩之義。原注未明。於折矩下繫以句股弦。此折字。卽下環而共盤之義。

以矩折爲三而環之也。下云旣方其外者。從方之兩
面向外而爲正角。故曰方其外。言方則從方矣。今半
之以所以半之之一綫。與句股兩端相接。環成三角
之形。於是三四五之率成。故曰一矩環而共盤得成
三四五也。向外非句股而何。此一矩爲弦。下云兩矩
共長二十有五。此兩矩卽句股矣。卽方其外者矣。共
長二十五者。三四各自乘之共數也。

矩—句—句—句—股—股—股—股—弦—弦—弦—弦—



倍自乘之數。卽兩邊各自乘之數。倍相乘之數。卽兩
 邊各自乘之數。少一差自乘也。蓋自乘兩邊無盈。胸
 相乘兩邊有盈。胸相乘者。以盈乘胸。今以盈乘盈。則
 多一盈。乘從之數。以胸乘胸。則少一胸。乘從之數。以
 所多盈。乘從之數。補所少胸。乘從之數。仍餘一從乘

從之數。故倍自乘必增一。從自乘乃與邊各自乘之數合也。在從方謂之帶從。在句股謂之句股差。又曰句股較。句股各自乘并之得弦積。則弦自乘減股自乘。自然得句。減句自乘。自然得股矣。倍從方加從自乘。得弦積。則弦自乘減從自乘。半之。卽從方矣。弦旣統乎句股。各自乘之數。則弦股之較屬句。弦句之較屬股。方其股於弦中。於五五二十五中取四四一十六爲平方。句必磬折而讓之。句積九必不能爲方。方其句於弦中。股必磬折以讓之。其狀若開方之有廉隅。故以股爲方。倍弦股較。乘股。又以較自乘并之。卽句積以句爲方。倍弦句較。乘句。

又以較自乘并之。卽股積。

方如初商之方。倍之爲二廉。較自乘卽隅法。

於

是有弦較而句股可求矣。若句股兩方並爭於弦方之中。則兩隅必相蝕。兩隅相蝕之數。卽兩畔磬折相蝕之數。故以句弦較乘股弦較。倍其數。與兩隅相蝕之數等。因而開方之。卽與兩隅相蝕之方等。是方也。加句弦較卽股。加股弦較卽句。於是有句弦較股弦較。而句股可求矣。斜剖兩從方。以弦向外。其中爲較。盈。若以同數四從方。盈。兩相續。成平方。其中亦爲較。盈。兩相續。卽句股和。故四其從方之積。加從自乘之積。開方之。卽句股和。句股和自乘。減去從自乘之積。四。

除之。卽一從方積。其義與弦股求句。弦句求股同也。
弦股和自乘。弦爲方。股爲隅。弦乘股。股乘弦。爲兩廉。
狀亦如開方。蓋倍弦自乘。則統句股積各四。今弦股
和自乘。股必得四。句且不能滿二。何也。弦自乘之積。
統句股各自乘之積。弦股和自乘。則股自乘之方四。
股乘弦。股較之方亦四。弦股較自乘之方一。股乘弦
股較倍之。合弦股較自乘積爲句自乘積。弦股和自乘
弦股和者二。爲股弦較乘弦股和者一。以股弦較乘股弦和。卽句自乘積。今股乘弦股較
之積有四。而弦股較自乘積止有一。故不滿兩句。冪
也。若減去一句。冪則爲股自乘者二。股乘弦股較者

亦二半之則股自乘者一。股乘弦股較者亦一。並之
爲股乘弦股和。以弦股和除之卽股。若加一句纂則
股乘弦股和之積一。股弦較乘股弦和之積一。並之
爲弦乘股弦和。以股弦和除之卽弦。於是有弦和而
句股可求矣。以股弦和乘句弦和。倍而開方之。卽句
股弦之合數。故減句弦和得股。減股弦和得句。於是
有股弦和句弦和而句股可求矣。九章算術立句股
弦相求之術。以圓材求方版之術。明句弦之求股。以
葛纏木齊之術。明句股之求弦。又有股弦差與句求
股弦之題五。

葭生池中一。立木繫索二。倚木於垣三。圓材鑿道四。開門去闔五。句股

差與弦求句股之題一。

戶高多於廣六尺八寸兩隅相去適一丈問戶高廣各幾

何。句弦差股弦差求句股弦之題一。

戶不知長短廣竿

不出四尺從之不出二尺邪之適出問戶高廣表之數各幾何

句及股弦并求股之

題一。

竹高一丈末折抵地去本三尺問折者高幾何

股及句弦并求句股弦

之題一。



二人同所立甲行率七乙行率三乙東行甲南行十步而邪東北與乙會問甲乙行各幾

何。趙君卿注周髀推而明之作三圖以括其義實爲



割圓三角之所從出前輩於此推之至精循此書主

於明加減乘除之理故止辨其術之出於自乘相乘


不復詳其術也。



合四縱方則
中少一小方



合大小四平方
則中多一小方




有句股則必有斜弦固矣。若同此句股同此句股之積不斜繩之而曲其線與句股平行以成一縱方之廉隅曲尺形。此曲線之數與斜繩之弦數等。其隅之徑數卽弦與句股和之較數。於是曲尺內亦成句股形。以內句乘內股卽外句乘外股之半。舊法以句股和減弦卽容圓徑。然則於句股和數中減此容圓徑數卽得弦數。旣減此容圓徑數而以餘句乘餘股卽得句股積數。何也。餘句卽當內句。餘股卽當內股也。李欒城測圓海鏡以圓城立算術第十六問云。出西門南行四百八十步有樹。出北門東行二百步見之。

出西門而南則餘股也。出北門而東則餘句也。行二百步見樹則弦也。此弦卽餘句餘股之數。其法云以二行步相乘爲實。二行步相併爲從一步。常法得半徑。常法者開從方法也。然則有弦有積以弦爲從猶之有餘句餘股相乘爲積復并以爲從也。惟餘句餘股卽弦故句股相乘之積以容圓半徑除之適得句股弦之和數何也。以此曲尺形而直之以一廉一隅爲句其一廉爲股則少一隅以一廉一隅爲股其一廉爲句則亦少一隅句少一隅正是餘句股少一隅正是餘股餘句餘股正是斜弦故倍句股積而除之。

爲半徑。倍相乘之積而除之。爲全徑也。以弦與句股和相較。其差爲半徑。若於弦中去一句。於句股和中亦去一句。則弦句差與股相較。其差仍爲半徑。或於弦中去一股。於句股和中亦去一股。則弦股差與句相較。其差亦仍爲半徑。卽卷一所謂各減一甲。其差相等者也。弦句差與股較。餘爲半徑。弦股差與句較。餘爲半徑。並弦句弦股兩差與句股和相較。餘必爲兩半徑。句股和與弦較。旣多一半徑。則弦股弦句之差。與句股和相較。爲多兩半徑者。而與弦相較。必爲多一半徑矣。故并兩差以減弦。亦得容圓半徑也。推


之有句股差有弦以差減弦折半之爲餘句加差爲
 餘股有餘句有弦相減爲餘股有餘股有弦相減爲
 餘句由餘句餘股而得半徑得半徑則得句股矣昔
 人闡句股之理精詳至矣然皆以斜線言未有變斜
 爲曲以明之者補之於此



甲壬作斜線爲弦五丁戊辛作曲線亦如弦數之五
 丁戊與辛戊相乘恰得甲丙乘壬丙之半丁戊辛與
 甲丙壬相減餘乙丙己即容圓徑

容圓半徑

縱方廉隅曲尺形



股

弦

句



四
十

再乘而半之爲塹堵之積再乘而三分之爲陽馬之積
方錐之積再乘而六分之爲鼈臙之積

商功有堦墻方亭方錐塹堵陽馬鼈臙羨除芻蕘芻
童等術究之惟塹堵陽馬方錐鼈臙而已數學鑰以屬少廣章

九數通考以屬方
田章均非古法方錐爲四陽馬形而與陽馬同數

者試以一立方斜解之成兩塹堵若自中分兩畔斜解之必成塹堵形二兩塹堵背連形一是兩塹堵當一塹堵之積矣一塹堵斜解爲一陽馬一鼃臚若亦以兩畔斜解之必成鼃臚形四兩陽馬背連形一是兩陽馬當一陽馬之積矣一塹堵分兩畔斜解得兩陽馬背連之形若以兩塹堵背連之形分兩畔斜解之自必得四陽馬背連之形故其形爲四陽馬而其積仍一陽馬也由是剖方錐爲二閒於兩塹堵背連形之兩端則爲芻蕘九章算術云芻蕘下廣三丈表

四丈上表二丈無廣高一丈是也

數學錦誤以兩塹堵背連形爲芻蕘



又誤爲芻蕘

由是截方錐爲二上半仍爲方錐下半爲方


亭九章算術云方亭下方五丈上方四丈高五丈是也截芻蕘爲二上半仍爲芻蕘下半爲芻童九章算術云芻童下廣二丈表三丈上廣三丈表四丈高三丈是也蓋以方亭之廣袤化立爲平則廣袤交午之處隅隅相貫與斜綫若合符節而題湊於中以芻童之廣袤化立爲平則廣袤交午之處必不能兩隅相貫而兩斜綫之端可遇四斜綫之端不可遇方亭爲一立方四陽馬及相等之四塹堵或爲一帶從立方

四陽馬及不相等之四塹堵而上方之形必等於底底之形必等於四陽馬之底若芻童雖猶是一帶從立方四陽馬及不相等之四塹堵而上方之形必不等於底底之形必不等於四陽馬之底等則可相比例不等則否方亭術云上下方相乘又各自乘并之以高乘之三而一芻童術云倍上表下表從之亦倍下表上表從之各以其廣從之并以高乘之皆六而一曰方曰芻名既各別或三或六術亦分附循謂方亭可以用六芻童必不可用三觀於其底固理之自然也方錐與陽馬同積而術有自乘相乘之分故別


其名塹堵之形有二。鼈臙之形有三。不別之者其術同也。塹堵之二何。斜解立方兩端句股者一也。兩畔斜解立方作屋形者二也。鼈臙之三何。自方錐斜解之。成四面三角形一也。自塹堵斜解之。成四面句股形二也。自陽馬斜解之。或以四面三角者中分之。成三面句股。一面三角形三也。而皆謂之鼈臙。亦皆謂之立三角立方之有鼈臙。猶平方之有句股也。



方亭隅隅相貫
題湊于中



易童兩隅
之線不能
相貫



方錐正解為四
陽馬邪畫為四
鼈臑
邪畫則陽馬
悉中解

王孝通上緝古算經表云。伏尋九章商功篇。有平地役功受表之術。至於上寬下狹。前高後卑。正經之內。闕而不論。臣晝思夜想。臨書浩歎。於平地之餘。續狹邪之法。請訪能算之人。考論得失。如排其一字。臣欲謝以千金。循按商功以邊求積。王氏此書。以積求邊。如少廣方田。適相表裏。誠爲善於得間矣。然其法仍不外商功之理。劉氏之注。極精至巧。會而通之。已足括孕此書。且以其義核王氏之術。可排者正不止一字。推而窮之。雖不敢遽攬其金。亦庶幾少申其義也。其第二題云。仰觀臺上下廣差二丈。上下表差四丈。

上廣袤差三丈。高多上廣一十一丈。問廣高袤。答曰。
高一十八丈。上廣七丈。下廣九丈。上袤一十丈。下袤
一十四丈。術曰。以上下袤差乘廣差。三而一。爲隅陽
冪。以乘截高。爲隅陽截積冪。又半廣差乘塹上袤。爲
隅頭冪。以乘截高。爲隅頭截積。并二積以減臺積。別有
求積之法。詳見本書。其法近易。故不載。餘爲實。又并截高及截上袤。及

并廣差袤差而半之。之正數。爲廉法。從開立方除之。
得上廣。第六題云。窖上袤多上廣一丈。少於下袤三
丈。多於深六丈。少於下廣一丈。問深。答曰。深三丈。上
廣八丈。上袤九丈。下廣十丈。下袤十二丈。術曰。廣差

乘表差三而一爲隅陽冪置塹上廣半廣差相加以
乘塹上表爲隅頭冪又置塹上表塹上廣并爲大廣
又并廣差表差半之加大廣爲廉法從開立方除之
卽深第七題云亭倉上下方差六尺高多上方九尺
問上方答曰上方三尺下方九尺高一丈二尺術云
方差自乘三而一爲隅陽冪以乘截高以減積餘爲
實置方差加截高爲廉法從開立方除之卽上方方
亭爲一立方四塹堵四陽馬故先減四陽馬積餘一
立方四塹堵四塹堵合爲二故以方差爲一從截高
爲一從也

凡差皆并兩畔言

陽馬在隅故謂之隅陽以乘截

高故曰隅陽截積。冪截高卽高差也。方亭爲正方。故無袤廣之名。若中爲帶兩從立方。而上下廣袤皆不等。則隅陽之冪必爲從方形。故并而半之爲正數。蓋四塹堵兩大兩小并而半之。適合爲大小兩立方矣。惟是上袤旣侈於廣。則減去廣差。而上下廣相附。減去袤差。下袤與上廣尙間一廣袤之差。廣袤之差。所謂塹上袤也。以廣差及高乘而減之。而後所存之四塹堵。乃與中方相附合也。是乘得之形。廣直下而袤殺下。故預半廣差乘之。是謂隅頭截積。在陽馬塹堵之間。東西有而南北無也。窖形同於臺。而多一大廣



者所知者表。所求者深。表差之內。又有表與深差。是爲塹上表。廣差之內。又有廣與深差。是爲塹上廣。以塹上廣乘塹上表。得深方之四隅。其角與隅陽冪角相貫。位當塹堵之兩畔。而塹堵之兩畔。適與深差尙不可與深合。於是以半廣差加塹上廣。而後以塹上表乘之。如是則適當深表與表差之間。而上下表俱如深之表矣。是爲隅頭冪。半廣差者。猶方亭之半廣差也。然表與深之表齊。而廣與深之廣尙不齊。何也。塹堵之橫於南北者。其兩畔當塹上廣之處。未有處也。於是又以塹上廣乘半表差以消之。消之而後廣

與深合矣。王氏術云：又半袤差乘塹上廣，加隅陽冪隅頭冪，以爲方法，是也。深之度與廣袤俱等，而廉從必合塹上廣，塹上袤廣差袤差，可知矣。塹上袤廣體本全，無容半之，故并爲大廣。廣差袤差，皆塹堵邪殺體，故并而半之也。總之，王氏此術，所舉皆差，所不舉卽立方諸線之相等者。所求在廣，則必裁袤高以就廣。所求在深，則必裁袤廣以就深。裁其不相合者，而相合者，皆其從矣。乃循之疑也。方亭積減四陽馬，所餘以兩差爲兩從，以差乘差爲隅，固然。惟是以高差乘隅陽冪，所得之陽馬，非方亭陽馬之全數。夫陽馬

自高差而截則尙有四陽馬尖附於立方之四隅仍爲四小陽馬而自截以下之陽馬其端不銳而童如縱橫剖方亭四分之一狀也王氏依截高乘除爲陽馬則改童爲銳而銳外尙有所餘此積旣少彼積乃多求之何以得密數如方差六自乘三而一得十二以截高乘之爲一百口八減積餘三百六十陽馬原積一百四十四尺全高一丈二尺乘隅陽冪十二之數也今陽馬積僅一百口八比原積少三十六尺又試以下方九尺乘上方三尺爲從方底以高一十二乘爲帶兩從立方體積三百二十四與三百六十相

較正餘三十六尺。此三十六尺者。卽四小陽馬及銳
外所餘之數。將何以處之乎。循謂此術不密。試依方
亭求積之術。會而通之。宜三其積。以方差自乘。乘高
差。爲十二陽馬。下半截積。以減積。餘積三而一。得數
爲實。然後以高差廣差爲兩從法。求方邊。又以邊例
上小陽馬邊。高差一率。下方二率。商得立方邊。三率。求得小陽馬底邊四率。自乘以
乘商得之邊。減實而恰盡。卽方邊定數。又一法。餘積
不三而一。而以三因方差及高差爲從法。方差冪爲
隅法。求得數。再乘而三因之。減餘積恰盡。亦卽方邊
定數。如是而得數較密。蓋劉氏注九章之術。法雖有

闕而義旨實包孕無遺。依之則合。離之則疎也。有如
 塹堵二爲立方一。二其積以開立方。則塹堵之邊可
 得矣。陽馬三爲立方一。三其積以開立方。則陽馬之
 邊可得矣。鼈臠六爲立方一。六其積以開立方。則鼈
 臠之邊可得矣。稱是以爲方亭臺窖等求之。原始返
 終之道有如此也。



乙為隅陽纂丙丁
 為塹堵后

	壬	
	甲	丙
戊	己	
乙	丁	


丙
丁
壬
己
甲

戊為陽頭冪壬己
為壑上表乘上方
冪即上表多于上
廣之數

	庚		
	甲	酉	丙
亥	未	午	子
	寅	卯	丑
乙	辰	丁	

亥
酉
癸
未
庚
寅
丁
丙
甲

甲為深冪未寅為壑上表酉為壑上廣卯
為深冪之四隅子丑午卯為陽頭冪辰為
半表差乘壑上廣衍并兩畔之差立算
故曰半表差半廣差圖分兩畔則丁即半
表差丙即半廣差閱者會之



乙甲為上方丁己為下方乙戊
為高甲戊為截高戊丁為方差
乙戊丁為陽馬全積甲丁戊為
隅陽截積乙甲丙為上立方小
陽馬甲丙丁為銳外所餘

緝古第二題求羨道之術云上廣多下廣一丈二尺
少袤一百四尺高多袤四丈問袤答曰袤一十四丈
第四題云築龍尾隄其隄從頭高上闊以次低狹至
尾上廣多下廣少隄頭上下廣差六尺下廣少高一
丈二尺少袤四丈八尺問下廣答曰一十八丈其自

注云龍尾猶美除也其塹堵一鼈臙一并而相連其龍尾術云隄積六因之爲虛積以少高乘少表爲隅冪以少上廣乘之爲鼈隅冪以減虛積餘三約之三卽而爲實并少高表以少上廣乘之爲鼈從橫廉冪三而一加隅冪爲方法又三除少上廣以少表少高加之爲廉法從開立方除之得下廣循按此術是也而義有未盡九章美除術云并三廣以深乘之又以表乘之六而一劉氏注云假令上廣三尺深一尺下廣一尺末廣一尺無深表一尺下廣皆塹堵之廣上廣者兩鼈臙與一塹堵相連之廣也以深乘乘得積五

尺鼈臠居二。塹堵居三。其於本基皆以爲六。故六而

一。蓋乘上廣爲立方。是六鼈臠。

以兩畔言之則十二鼈臠

兩塹堵。

兩與六不合。故又乘下廣及末廣爲四塹堵。合之恰

得六美除。王氏此術。六其積。是塹堵鼈臠各六矣。塹

堵之六。爲同數三立方。鼈臠之六。爲上下廣差所乘

之一立方。隅冪者。此立方之隅冪也。從橫廉者。如平

方之兩廉也。此卽一縱一橫之兩從隅冪卽從隅也。

除去此立方六鼈臠。存六塹堵。適當三立方之積。故

三除其積。而存二塹堵。適當一立方之積也。六鼈臠積

所當之一立方。其中所減者鼈臠。而從橫兩廉。及一

立方尙在此積已隨而三除之故必以廣差三除之
以加袤差高差而爲從法也循之疑也推此術以袤
差高差合立方爲高以三除廣差合袤差高差立方
爲袤固也惟是鼈積之立方旣減去鼈隅則二塹堵
之立方所當鼈隅者其積將何以位置則於減積三
而一之後旣以差爲從法又必以隅冪爲隅法而後
可也其所云方法者或含此旨然未嘗明表出之學
者惑矣美道術卽龍尾隄術雖有兩鼈牖一鼈牖之
殊而兩差亦合而算之則兩猶一也惟所舉者上廣
所求者下廣故必以上廣多下廣數加上廣少袤爲

下廣少表又以高多表加下廣少表爲下廣少高餘盡同也又第三題有築隄術云隄西頭上下廣差六丈八尺二寸東頭上下廣差六尺二寸東頭高少於西頭高三丈一尺東頭上廣多東頭高四尺九寸正表多於東頭高四百七十六尺九寸問東頭高答曰三尺一寸術曰以高差乘下廣差六而一爲鼃幕以高差乘小頭廣差二而一爲大臥塹頭幕半高差乘東頭上廣多高之數爲小臥塹頭幕并三幕爲大小塹鼃率乘正表多小高之數以減隄積餘爲實又并正表多小高并上廣多小高及半高差而增之兼半

小頭廣差加之爲廉法從開立方除之卽小高自注云此爲平隄在上美除在下兩高之差卽除高其餘兩邊各一鼈臙中一塹堵循按此平隄既有廣差又高與廣不等則在上之平隄不得竟以立方視之也以高差乘下廣差此所謂下廣差者東下廣與西下廣之差也爲鼈臙故六而一高差小頭廣差俱邪殺線故二而一高差殺上廣多東頭東之差不殺故止半高差乘之東廣差六尺四寸故爲大臥塹上廣高差四尺九寸故爲小臥塹減此二塹一鼈下餘一塹堵爲半高差乘小高之幕上餘一小高乘上廣高差


之冪一東下廣乘小高而半之之冪其線度皆與小
高齊故以爲從唯大小塹冪鼈冪俱袤差乘之較全
袤乘得者爲少則亦猶方亭之隅陽截積也其邪附
於小高之下及大小塹鼈率之所餘又何以處乎試
仍用龍尾隄術馭之六其隄積爲虛積爲上平隄形
六下鼈隅立方一臥塹形三因以下廣差乘高差又
連乘袤差爲鼈截積尙有所餘小立方形又并東廣差東上廣
與小高差三因之乘高差爲小臥塹大臥塹截積尙餘
立方減虛積其餘三而一爲帶從立方積以高差及
倍東上廣多高差東廣差三者爲從又以東頭上廣

多高差。加東廣差。及三除下廣差。其乘以高差。又以
求數自乘。二者共爲隅法。此隅法。猶龍尾隄術以隅
冪爲隅法也。要之所知者皆差。所不知者必立方。卽
所已知者。而減去所不知者。必相脗合於立方。則以
所知爲從。而數莫遁矣。王氏創爲此法。實大益後人
神智。元欒城李氏益古演段測圓海鏡兩書。用平方
立方三乘方等。以馭諸術。其理無踰於此。而所以然
則出於劉氏九章注之用三品赤黑基法。基者。蓋以
金玉木石之類爲之。作立方塹堵陽馬鼈臙四形。每
形赤黑各若干數。簇爲方錐方亭芻蕘芻童美除等


狀卽知其方正斜直之殊。及方隅廉從之故。累而合之。裁廣就袤。合半爲整。可成從方。變化無端。立算之妙。莫精於是。王氏謂其未爲司南。而自詡曲盡無遺。尙非至論。循服膺於劉氏。而甚慕王氏之善悟。因申其義趣。而改其疎率。以爲用平方立方乘方者。述其門徑。願有道正之。

六龍騰積


二整堵積



去先減
已隅






乙隅未減去
宜有以消之




子丑午合甲丁
丙爲從方

午丑丁丙爲從橫廉



甲乙東頭高甲丙西頭高
乙丙高差戊辛上廣
多東頭高差辛癸東頭
上下廣差辛子西頭上
下廣差癸子下廣差甲
己上廣乙壬東下廣丙
子西下廣



寅卯為東
頭高即小
高乙午為
正袤多于
東頭高

有句股而後可以馭平圓有鼈臙而後可以馭立圓

自一至九數也。加減乘除錯綜此數者也。乘而後有
纂再乘而後有體有纂有體則數已成形故平方立
方縱方生於加減乘除而加減乘除所生而致者實
盡乎此句股者生於形者也形復生形而非數無以
馭則加減乘除又爲句股之所用也句股爲用形之
始故爲衆形之所從生蓋有句股而復用以割圓則
圓之形成有句股而化之爲銳鈍則三角之用著鼈
臙爲句股之立者規之卽成立圓又弧三角之弦切
所集也西人薩几理得幾何原本一書精於說形梅

勿菴明以句股之理。夫論形。未有不本諸句股。猶論數。未有不本諸加減乘除也。學者由數以知形。由形以用數。悉諸加減乘除之理。自可識方圓冪積之妙。論形之書多矣。余別有著。緣句股商功及方田少廣中。有求圓之術。因論其梗槩於此。

